



CARREIRA E ANDAINA SOLIDARIAS POLO PARKINSON

REGULAMENTO

1/ A asociación Parkinson Galicia Coruña organiza, en colaboración co Concello de Culleredo e coa asociación Castelo Deporte, unha carreira e andaina, previstas para o domingo 11 de novembro de 2018.

2/ DENOMINACIÓN

A proba recibe a seguinte denominación: "II Carreira e andaina solidaria polo parkinson".

3/ DATA E LUGAR

A proba celebrarase o domingo 11 de novembro no Paseo Marítimo da Ría do Burgo, no termo municipal de Culleredo, con saída e meta nas instalacións situadas ao pé da ría, na zona das pistas polideportivas.

4 / CATEGORÍAS

Establécense unha categoría única para a carreira, que se desenvolverá de xeito paralelo a unha andaina popular nun circuíto anexo.

5 / HORARIOS

A Carreira e andaina solidaria polo parkinson consta de dúas distancias para cada unha das probas:

Andaina	4 km.	10.30 horas	Dúas voltas de 2 km.
Carreira	10 km.	10.30 horas	Dúas voltas de 5 km.

6 / INSCRICIÓN

Permanecerán abertas ata o 6 de novembro ás 23.59 horas na web www.emesports.es, ou ata esgotar os 600 dorsais dispoñibles; o prezo da mesma será de 8 euros, agás para os nenos menores de 13 anos, que contarán cun prezo reducido de 3 euros.

7 / PREMIOS

Entregaranse trofeos aos tres primeiros clasificados das categorías masculina e feminina.

8 / DORSAIS E CRONOMETRAXE

A proba estará cronometrada pola empresa Emesports. Os chips de cronometraxe entregaranse aos participantes xunto co dorsal, e se poderán recoller en Decathlon Oleiros do 8 ao 10 de novembro, en horario comercial.

9 / AVITUALLAMENTOS

Para a carreira, situarase un punto de avituallamento intermedio (xusto debaixo da Ponte da Pasaxe, no cambio de sentido do circuíto), e na zona de saída e meta. Polos dous puntos os participantes pasarán en dúas ocasións. No caso da andaina haberá un avituallamento na meta.

10 / CAMISETAS

Cada participante terá acceso, coa inscrición, a un kit do corredor, que incluírá unha camiseta conmemorativa.

11/ SERVICIOS

Ademais de contar cos servizos dunha ambulancia medicalizada presente na zona de meta, os participantes estarán cubertos polo correspondente seguro de accidentes da proba.

12 / DEREITOS DE IMAXE

Os participantes autorizan á organización (Asociación Parkinson Galicia - Coruña) e a todos os patrocinadores do evento, a empregar calquera tipo de imaxe ou gravación en posteriores edicións como soporte publicitario, xa sexa en medios dixitais (redes sociais, televisión, web...) ou en papel (carteis, xornais...).

13 / VARIOS

A organización non devolverá o prezo da inscrición no caso de que o participante non poida asistir o día do evento. Tampouco se permitirá transferir a inscrición a outra persoa. O dorsal é persoal e intransferible, e serve como identificación do participante.

Os participantes participan pola súa propia vontade e iniciativa, asumindo os riscos e consecuencias derivadas da súa participación, polo que a organización non se fai responsable dos seus danos, perxuízos ou lesións por calquera tipo de negligencia.

A organización non se fai responsable da perda de calquera efecto persoal ou os danos que poidan producirse neles, como cámaras fotográficas, teléfonos móbiles, roupa, billeteiras, gafas, documentos persoais, chaves ou calquera outro artigo de valor.

Se as condicións meteorolóxicas fosen adversas, ou se existira algunha outra causa xustificada llea á organización, considerarase o aprazamento do evento, o que será comunicado a través das canles oficiais nas horas previas ao inicio do mesmo.

Ao inscribirse, os participantes dan o seu consentemento para que os organizadores, por si mesmos ou mediante terceiras entidades, traten automaticamente e con finalidade exclusivamente deportiva, promocional ou comercial, os seus datos de carácter persoal. De acordo co que se establece na Lei Orgánica 15/1999, de 13 de decembro, da Protección de Datos de Carácter Persoal, o participante ten o dereito de acceder a estes ficheiros co obxecto de rectificar ou cancelar de forma total ou parcial o seu contido. Para facelo, deberase solicitar por escrito a Asociación Parkinson Galicia-Coruña (rúa Jazmines 50, locais 134-137), A Coruña.